



# Гўзал ва бетакроримсан, муқаддас Ватаним, жоним сенга фидо, Ўзбекистоним!

O'zingni angla!

# HURRIYAT

Mustaqil gazeta

2016-yil 27-iyul, chorshanba

№ 30 (989)

1996-yil dekabr dan chiqra boshlagan

Elektron manzil: info@uzhurriyat.uz

www.uzhurriyat.uz

## ЧОРШАНБАДАН ЧОРШАНБАГАЧА

Мамлакатимизнинг барча ҳудудда Президентимиз қарорига мувофиқ, энг улуг, энг азиз айём — юртимиз мустақиллигининг йигирма беш йиллигини муносиб кутиб олиш мақсадида қатор учрашувлар, тадбирлар ўтказилмоқда.

Парижда «Ўзбекистон раислиги ва Тошкент саммити яқунлари нуқтаи назаридан Шанхай ҳамкорлик ташкилотининг истиқболлари» мавзuida давра суҳбати бўлиб ўтди. Унда Франция Сенати ҳамда қатор вазирликлари, Сорбонна, Гавр университетлари, Европа истиқболлари ва хавфсизлик институти (IRSE), шунингдек, Халқаро ва стратегик муносабатлар институти (IRIS)нинг нуфузли экспертлари қатнашди.

Пойтахтимизда Бразилиянинг Рио-де-Жанейро шаҳрида бўладиган XXXI ёзи Олимпия ва Паралимпия ўйинларида иштирок этадиган Ўзбекистон делегациясини кузатиш маросими ўтказилди.

Тошкентдаги Халқаро ҳамкорлик марказида 20 июль куни савдо-иқтисодий ҳамкорлик бўйича Ўзбекистон — Франция ҳукуматлараро комиссиясининг навбатдаги мажлиси бўлиб ўтди.

Ўзбекистоннинг Брюсселдаги элчихонасида мамлакатимиз сайёҳлик салоҳиятига бағишланган тақдирот бўлиб ўтди.



"HURRIYAT" газетаси "Ўзбекистон ҳаво йуллари" миллий авиаконданиyasi самолётларида ҳам йўловчиларнинг доимий ҳамроҳи.



## Биз ҳеч кимдан кам эмасмиз, кам бўлмаймиз ҳам

Юрт доврўги, обрў-эътиборини дунёга намоеън этадиган соҳалардан бири спортдир. Бу соҳага катта эътибор қаратган давлат, мамлакатларнинг фуқаролари соғлом бўлади. Истиқлолга эришган Ўзбекистонда ҳам дастлабки йиллардан бошлаб аҳоли ўртасида спортнинг оммавийлигини таъминлашга давлат сиёсати даражасида эътибор қаратилди.

Давлатимиз раҳбари Ислам Каримов раҳнамолигида 2002 йилда ташкил этилган Болалар спортини ривожлантириш жамғармаси фаолияти бўлғуси олимпия захираларини шакллантиришда мустаҳкам пойдевор бўлди. Утган ўн тўрт йил мобайнида жамғарма маблағлари эвазига 1900 дан зиёд спорт ишоотлари қурилди. Моддий-техник базаси мустаҳкамланди, соҳанинг ривожланиши учун халқаро стандарт талабларига тўлиқ жавоб берадиган ишоотларда барпо этилди. Бугунги кунда

6 ёшдан 15 ёшгача бўлган болалар ва ўсмирларнинг қарийб 60 фойзи спорт секцияларига жалб этилган. Кувонарли жиҳати шундаки, авваллари қиз бола фақат уй ишларини ўрганиши керак деган уй билан юрган ватандошларимизнинг ҳам дунёқарashi кескин ўзгарди. Натijaда қиз болаларини спорт тўғралакларига жалб этиш кўрсаткичлари кескин ўсди. Айни пайтда қарийб бир ярим миллион қизалоқ сузиш, бадий гимнастика, спорт гимнастикаси, енгил атлетика, теннис, стол тен-

нис, шахмат, волейбол, баскетбол, қўл тўпи, бокс, оғир атлека, каратэ билан мунтазам шуғулланипти. Халқаро мусобақаларда ҳам қизлар катта ғалабаларни қўлга киритишмоқда. Мустақиллик йилларида олимпия дастуридан ўрин олган спорт турлари оммавийлигини таъминлаш ҳамда олимпия захираларини тайёрлашга жиддий эътибор қаратилди. Натijaда, тўрт йилликнинг энг йирик спорт тадбирларида спортчиларимиз сони ҳар сафар ортиб бормоқда. Бунда, Ки-

чик олимпиада деб ном олган "Умид ниҳоллари", "Баркамол авлод" ва Универсиада мусобақаларининг аҳамияти жуда катта бўлаётир. Мазкур спорт ўйинлари минглаб спортчи ёшларнинг иқтидору маҳоратини юзага чиқариб, уларнинг жаҳон арена-ларига чиқишида зинапояга айланди. Ушбу мусобақаларда тобланган вакилларимиз жаҳон ва Осиё чемпионатлари, халқаро турнирларда мамлакатимиз шарафини муносиб ҳимоя қилишмоқда.

2



## ЖУРНАЛИСТ СЎЗИ: талқин, танқид, таҳлил

2016 йилнинг иккинчи чорагида мамлакатимиз оммавий ахборот воситаларида эълон қилинган таҳлилий-танқидий материаллар ҳақида

Мамлакатимизда дунёда кечаётган энг муҳим воқеа-ҳодисалар, жараёнлар ҳақидаги тезкор ва холис ахборотлар, ҳаётини муаммолар, кундалик таъвишлар ва уларни ҳал қилиш йўллари тўғрисида таҳлилий материаллар бу чорақда ҳам миллий матбуотимиз саҳифаларида мунтазам ёритиб борилди.

Ўзбекистон Республикаси Президенти И. Каримовнинг шу йил 27 июнь — Матбуот ва оммавий ахборот воситалари ходимлари куни муносабати билан соҳа ходимларига йўллаган байрам табриги журналист меҳнати, миллий матбуотимиз ривожига ҳақидаги юксак эътибор ва ғамхўрликнинг яна бир амалий намунаси бўлди. Оммавий ахборот воситалари олдига турган долзарб вазифалар, уларни ҳал

этиш йўллари атрофлича кўрсатиб берилган ушбу табрикда таъкидланганидек, ҳозирги кунда замон, инсонларнинг ҳаётга муносабати, эҳтиёж ва талаблари тобора ўзгариб бормоқда. Бугунги тезкор ахборот асри, унинг ўзига хос мураккабликларига ҳар бир журналист ва ижодкордан тинимсиз изланишни, ҳаёт билан ҳамқандам бўлиб, кундалик янгиликлар, ижобий ўзгаришларни чуқур таҳлил қилишни талаб эта-

ди. Айни вақтда ён-атрофимизда пайдо бўлаётган турли таҳдид ва хавф-хатарларга қарши ҳаққоний сўз билан курашишни, журналистлик фаолиятини янада жонлантиришни бугун ҳаётнинг ўзи тақозо этмоқда. Юртбошимиз табригидаги "Айниқса, журналистларимизнинг ҳаётга чуқур кириб бориши, жамиятимиздаги ижтимоий-сиёсий жараёнларни туб моҳияти ва аҳамияти, керак бўлса, мураккаблиги билан очиб бериш, тараққиётимиз йўлида тўсиқ бўлиб турган муаммоларни дадил кўтариб чиқиш, мавзуга холисона ва ҳаққоний ёндашиш каби мезонлар матбуотимизнинг ўзгармас қондаси ва принципи бўлиб қолиши даркор" деган сўзлар ҳар бир журналист учун фаолият мезони бўлиб хизмат қилмоқда, десак, янглишмай-миз.

### Хуррамли душтарылар,

2016 йилнинг келгуси ойлари учун "HURRIYAT" газетасига обуна ишлари давом этмоқда. Газетамизга обуна бўлолмаганлар эса уни савдо дўконларидан харид қилишлари мумкин. Ўқинг, баҳра олинг ва уни ҳамроҳларингизга ҳам ҳада этинг. Бундан ташқари, "Hurriyat" да чоп этилган материаллар билан www.uzhurriyat.uz сайти орқали ҳам танишингиз мумкин.

"HURRIYAT" ГАЗЕТАСИ СИЗНИНГ ДОИМИЙ ҲАМРОҲИНГИЗ БЎЛИШИГА ИШОНАМИЗ!



## Мафтунингман, Самарқанд!

### ► БАЙРАМ ШУКУҲИ

Бетакрор сайқали ила рўйи заминни мафтун этган Самарқанд ижод аҳли учун ҳам туганмас илҳом манбаи ҳисобланади. Буюк аллома Мирзо Улуғбек каби ўнлаб даҳоларга бешик бўлган бу шаҳарда сўз мулкнинг султони Ҳазрат Мир Алишер Навоий ҳам сабоқ олиб, камолга етган! Бу, албатта юртимиз ижод аҳлига катта гурур, шижоат бағишлайди. Навоийни ўқитган мулло юртим Самарқанд, Ҳар қошини қумушу тилло юртим Самарқанд, Улуғбек юлдузидай олис буржларга сингдим, Қайда бўлсам, пирим Сен, қўлла, юртим Самарқанд!

Яқинда Самарқандда жонажон Ватанимиз — Ўзбекистон Республикаси давлат мустақиллигининг 25 йиллигига бағишлаб "Гўзал ва бетакроримсан, муқаддас Ватаним, жоним сенга фидо, Ўзбекистоним!" деган эзгу гоёни ўзда мужасам этган катта маънавий-маърифий тадбир ўтказилди. Унда шу заминдан етишиб чиққан ёзувчи ва шоирлар, журналистлар, ноширлар, мусавирлар, рассомлар, ҳайкалтарошлар, ҳунармандлар ва маданият ходимлари иштирок этдилар. Пойтахт Тошкент шаҳридан бор-йўғи 2 соату 7 дақиқада

кўҳна кентга етиб келган "Афросиёб" поезидан тушган кишини дастлаб темирйўл вокзалдаги ажиб манзаралар мафтун этади. Нақадар чиройли ва бежирим вокзал биноси ичида йўловчилар, сайёҳлар учун муҳайё этилган қулайликларни кўриб баҳри дилингиз очилса, унинг теварак-атрофидаги анвойи гуллар, хиёбонлардан олам-олам завқ оласиз. Самарқанд заминидан улғайиб, бугунги кунда пойтахт шаҳримизда фаолият кўрсатишгаётган ижодкорлардан ўттиз нафари ана шу масканда катта тантана билан кутиб олинди.

Тадбир иштирокчилари дастлаб вилоятнинг Нуробод туманида жойлашган Ҳазрати Довуд зиёратгоҳи сари йўл олдилар. Айтиш жоизки, инсон қаерга қадам ранжида қилмасин, аввало йўлларига разм солади. Самарқанд шаҳридан бутун вилоят туманларига туташиб кетган ҳаққоний текис асфальт йўлларидан борар экансиз, чор-атрофдаги манзараларни кўриб баҳри дилингиз очилади. Кези келганда, бир пайтлари армон бўлган баъзи воқеаларни ҳам эслаб ўтиш ўринлидир. Собик мустабил тузум даврида чет элларга бориб-келиш унча-мунча одамга насиб этмасди. Юртимиз Истиқлолнинг дастлабки кунларида ноқ дунё эшикларини очилганда хорижга бориб-келганларнинг биринчи таассуротлари: "нақадар текис йўлларни кўриб ҳайратга тушгани" ҳақида бўларди. Бугун бундай гапларга ҳожат ҳам қолмади. Йўлсозлару бунёдкорларнинг меҳнатига ҳарқанча таҳсин айтсак арзийди. Ўзимизнинг раво ва серфайз йўлларимизга энди ўзгалар ҳавас қилса, не ажаб!

2













